



Panagpalaing itti uram dya Maui

Phase 1 Dagiti Naitantan a Sanikua

Ti Phase 1 a naitantan a sanikua ket kayatna a sawen a saan a maikkat ti EPA dagiti napeggad a materyales. Ti US Army Corps of Engineers ti mangtaming kadagitoy a sanikua iti Phase 2.

Nobyembre 20, 2023

Adu ti ited iti Maui ditoy lubong. Kas sangaili, mapadayawankami a mangisubli iti suportami.

Ti Federal Emergency Management Agency ti nangited iti annongen iti EPA a mangsurbey, mangikkat, ken mangibelleng kadagiti napeggad a materyales. Daytoy ket maawagan a Phase 1. Ti maysa a sanikua ket Phase 1 naitantan no ti EPA ket saan a makaikkat kadagiti napeggad a materyales gapu kadagiti pisikal a kasasaad iti lugar. Maipaskil ti karatula a “Deferred” kadagiti amin a naitantan a sanikua.



Naitantan ti sanikuak, anya ngaruden?

Gapu iti kasasaad iti sanikua, saan a natalged a nakastrek dagiti field staff ken kontraktor ti EPA iti sanikua tapno maikkat dagiti napeggad a materyales. Saan a makastrek dagiti field staff kadagiti sanikua gapu iti sumagmamano a peggad, kas kadagiti peggad iti ngato, natnag a kayo, daga (kas iti nabara a pagserkan), saan a natalged nga estruktura, ken dadduma pay a saan a natalged a kasasaad (kas kadagiti narba a suelo, narba nga atep, dadakkel nga estruktura a naglaon iti asbestos).

Mabalin nga adda pay laeng dagiti napeggad a materyales iti lugar ken mabalin a mangiparang iti peggad iti salun-at. Mabalin nga aglaon ti dapu ken rugit kadagiti makadangran a kontaminado a kas iti asbestos, lead, ken arsenic a mabalin a malang-ab wenno maiwaras iti aglawlaw babaen ti angin wenno no mariribukan. Dagiti dadduma a sanikua ket mabalin nga addaan iti stabilizer ti daga a naikabil.

Anyang dagiti sumaruno nga addang para iti Naitantan a Sanikua?

Ti pannakaikkat dagiti napeggad a materyales para kadagiti naitantan a sanikua ket tamingen ti US Army Corps of Engineers (Army Corps) bayat ti Phase 2. Masapul a makikoordinar dagiti umili iti Army Corps maipapan iti panangikkat kadagiti rugit ken panangsukimat iti dapu para kadagiti sanikua. Kontaken ti Army Corps iti Army Corps Debris Center iti (877) 214-9117, iti nagbaetan ti 6:00AM ken 6:00PM iti inaldaw.

Dagiti Phase 1 a naitantan a sanikua ket mabalin nga addaan kadagiti napeggad a materyales ken dadduma pay a peggad.

Agannad ka no sumrekka kadagitoy a sanikua.